

Zeitschrift: Nebelspalter : das Humor- und Satire-Magazin
Band: 88 (1962)
Heft: 21

Rubrik: Am Hitsch si Mainig

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 15.05.2025

ETH-Bibliothek Zürich, E-Periodica, <https://www.e-periodica.ch>



Eroico

Am Gitsch si Mainig



I hann Khrischtall immer gäära khaa. Schu als Buab bini mitam Hammar, anama schpitziga Maißal und ama Sail in da Schtaibruch hintara, voram Sassaal. Dört bini denn in da Fellsa ummakhlättarat und hann gschtraalat, ebba, Khrischtäll gsuacht. Und asia gfunda.

Nitt gad grooßi, abar schööni Süülali. Au hütt hanni immer no Fröüd an da Khrischtäll. I bin sogäär äxtra uff Seewa graist, zum dia Khrischtallsammlig vum Härr Göttlar aazluaga. A khoga schööni Sammlig! I bin nitt usam Schtuuna ussakhoos über daas, was do allas zemma trait wordan isch. Forma und Farba, gwaxa in da Fellsa dinna, noch schtrenga Gsetz, zur Fröüd vu da Mentscha.

Abar oha! Määga däärre Sammlig isch an Uumais loosgganga! Dar Härr Göttler hej pschissa! A Tail vu denna Khrischtäll sej gliimat, zemmagesetzt. Profässer vu dar

Hoochschal hejands bewissa und drumm hej dar Khantoon Uuri dia Sammlig au nitt khaufft. Am maischta Khrampool mahhand d'Urnar Schtraalar. Dia tüand über da Härr Göttler aaba – wia wenn sii sälbar no nia aswas zemmagliimat hettandi... Dar Härr Göttler ischt eban an khein Ürner...

Isch jetz dia wundarschöön Sammlig aigantli weniger wärt? Noch miinara Mainig nitta. As isch jo gäär nüüt gfälscht worda. As sind immer no ächti Khrischtäll und dia vorschiddana Gruppe khönn-tandi gnau asoo gwaxa sii. Apgsäha darvoo, daß dia Khrischtall-gruppe gääran ussanandar khejand, wens amool uff da Boodan aaba flüügand. Au ii probiara a schööni Vaasa widar zemmazkhitta, wenn sii khaputt ggangan isch.

I waiß, daß dar Härr Göttler allas siins Gäld in dia Sammlig iinagschteckht hätt. Und jetz macht man imm in dar Schwizz Malogga. Noch miinara Mainig wääris khoga schaad, wenn dar Härr Göttler varruckht khemmti und siini wundarschöön Sammlig ins Ussland

varkhaufa teeti. I bin überzügg, zAmerikhaa deena teetans in Dollar zaala, was dar Khantoon Uri in Frankha nitt hätt wella blähha. Und für üüs wääri dia Sammlig varloora. A Rettig für dia Prachts-Khrischtäll sötti aswia mögli sii. Odar nitta?

Tückische Drohung

Herr Eduard sitzt im Gartenrestaurant, genießt die herrliche Sonne, das kühle Bier, und wird einzig von einem nervös umherpfurrenden Huhn belästigt, das gackernd über den Kies hühnert. Und er sagt:

«Jetzt mach di aber tünn und loo mi in Fride, susch wirsch grad bschtellt, mit Pommes frites zäme!»

fh

Falls Sie auch

an Heuschupfen leiden, so sagt Ihnen sicher der schönste Blumenstrauß nicht viel. Wer aber im Heuet Wald und Wiesen meiden will, kann sich trotzdem an Blumen freuen: an den herrlichen Blumenornamenten, die in den wunder-vollen Orientteppichen von Vidal an der Bahnhofstraße 31 in Zürich zu finden sind!

Versuchen Sie unseren feinen

**VELTLINER
„LA GATTA“**
oder den reinen
**TRAUBENSAPF
„GATTINO“**

Verlangen Sie bitte
Offerte mit
Gratismuster

Direktbezug bei
G. Mascioni & Cie., Campascio/GR



Tel. (082) 60605

Ihre Nerven

beruhigen und stärken Sie bestens, wenn Sie eine Kur mit dem Spezial-Nerventee «VALVİSKA» durchführen. Sie schlafen wieder besser, fühlen sich anderntags ausgeruht, gekräftigt und guter Laune. Doppel-Kurpackung Fr. 5.20, Probepckg. Fr. 2.95. – Machen Sie einen Versuch.

VALVİSKA